



Broj: 08-01-03/2-11-2-1003-23/25

Dana: 03.07.2025.godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-1003-22/25 od 27.06.2025.godine, u postupku javne nabavke "LOT 1: Nabavka računara i druge računarske opreme", ministar Ministarstva unutrašnjih poslova Zeničko-dobojskog kantona, donosi:

ODLUKU

o izboru najpovoljnijeg ponuđača "MOON" d.o.o. Zenica, za "LOT 1: Nabavka računara i druge računarske opreme"

Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-1003-22/25 od 27.06.2025. godine i ugovor za "LOT 1: Nabavka računara i druge računarske opreme" dodjeljuje se ponuđaču "MOON" d.o.o. Zenica, sa ponudom broj: 08-01-03/2-11-2-1003-17/25 od 16.05.2025. godine i ponudenom cijenom u iznosu od 53.000,00 KM bez PDV-a, u koju je uračunat popust ostvaren na e-Aukciji u iznosu od 12,43%.

Član 2.

Odabrani ponuđač dužan je u roku **od 5 (pet) dana** od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-1003/25 od 23.04.2025. godine i Obavještenja o nabavci broj: 488-1-1-22-3-34/25 od 25.04.2025. godine, proveden je otvoreni postupak javne nabavke "LOT 1: Nabavka računara i druge računarske opreme". Procijenjena vrijednost nabavke je iznosila 60.683,76 KM bez uključenog PDV-a. Sažetak obavještenja o nabavci broj: 488-1-1-22-3-34/25 objavljen je dana 09.05.2025. godine u "Službenom glasniku BiH", broj: 27. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-1003-1/25 od 28.04.2025. godine.

Komisija je sačinila Zapisnik o prijemu ponuda broj: 08-01-03/2-11-2-1003-20/25 od 16.05.2025. godine i Zapisnik sa otvaranja ponuda broj: 08-01-03/2-11-2-1003-21/25 od 16.05.2025. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda 8 (osam) ponuđača prijavilo na predmetno javno nadmetanje i to ponuđači: "NEUTRINO" d.o.o. Tuzla, "REBUS" d.o.o. Sarajevo, "FRACTAL" d.o.o. Žepče, "ELUR" d.o.o. Kiseljak, "INTER-COM" d.o.o. Zenica, "PROCOMP" d.o.o. Zenica, "MOON" d.o.o. Zenica i "STARTECH" d.o.o. Zenica.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-1003-22/25 od 27.06.2025. godine, te utvrdila da:

Ponuđač "INTER-COM" d.o.o. Zenica nije kvalifikovan za LOT 1 budući da Obrazac za cijenu ponude-robe Aneks II-1 na predviđenom mjestu nije potpisan od strane ovlaštene osobe ponuđača (strana 9 ponude prema numeraciji ponuđača), čime nije postupio prema tačkama 14. i 18. tenderske dokumentacije.

Ponuđač "PROCOMP" d.o.o. Zenica za LOT 1 nije kvalifikovan obzirom da u ponudi nije dostavio spisak/popis ugovora o isporuci računara tokom posljednje dvije godine kao uslova tehničke i profesionalne sposobnosti, odnosno ponuđač nije postupio prema tački 13.1.1. tenderske dokumentacije.

Ponuđač "STARTECH" d.o.o. Zenica nije kvalifikovan za LOT 1 obzirom da u pogledu numerisanja stranica ponuda nije postupio prema tački 14. tenderske dokumentacije, odnosno stranice ponude za LOT 1 su numerisane tako da ne obezbjeđuje kontinuitet numerisanja (redosljed stranica je 1, 4, 5, 2, 3, 7..., te aktuelni izvod iz sudskog registra čije stranice nisu numerisane). Pored toga ovaj ponuđač nije postupio ni prema tački 13.2 tenderske dokumentacije u pogledu dostavljanja prospekata-kataloga za ponuđenu robu obzirom da za LOT 1 iz dostavljenih kataloga koji su označeni kao "specifikacije" nije moguće utvrditi da li roba ispunjava sve uslove iz tenderske dokumentacije.

Dana 27.06. 2025. godine u 10:05 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	REBUS d.o.o. SARAJEVO	4202067210006	60.498,00	1
2.	MOON d.o.o. ZENICA	4218973610007	60.525,00	2
3.	FRACTAL d.o.o. ŽEPČE	4218757750007	60.628,80	3
4.	ELUR d.o.o. KISELJAK	4236010950005	60.665,00	4
5.	NEUTRINO d.o.o. TUZLA	4209103050007	60.679,00	5

Aukcija je okončana dana 27.06.2025. godine u 10:23 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	MOON d.o.o. ZENICA	4218973610007	53.000,00	12,43%	1
2.	FRACTAL d.o.o. ŽEPČE	4218757750007	53.990,00	10,95%	2
3.	REBUS d.o.o. SARAJEVO	4202067210006	55.957,00	7,51%	3
4.	NEUTRINO d.o.o. TUZLA	4209103050007	57.980,00	4,45%	4
5.	ELUR d.o.o. KISELJAK	4236010950005	60.665,00	0%	5

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM, sa popustom (prije e-aukcije)	Konačna cijena ponude bez PDV-a u KM, sa popustom (nakon e-aukcije)	Rang
NEUTRINO d.o.o. TUZLA	60.679,00	NE	60.679,00	57.980,00	4
REBUS d.o.o. SARAJEVO	60.498,00	NE	60.498,00	55.957,00	3
FRACTAL d.o.o. ŽEPČE	60.628,80	NE	60.628,80	53.990,00	2
ELUR d.o.o. KISELJAK	60.665,00	NE	60.665,00	60.665,00	5
MOON d.o.o. ZENICA	60.525,00	NE	60.525,00	53.000,00	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "MOON" d.o.o. Zenica, odabran je na osnovu ponuđene cijene u iznosu od 53.000,00 KM bez PDV-a u koju je uračunat popust ostvaren na e-Aukciji u iznosu od 12,43 %.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

